

# QVÆSTIO MEDICA

## QVODLIBETARIIS DISPVATIONIBVS MANE DISCVTIENDA

153

IN SCHOLIS MEDICORVM, DIE IOVIS VII. FEBRVARII.

M. TVSSANO FONTAINE, Doctore Medico, Moderatore.

*An viscerum obstructionibus serum lactis?*

**V**ISCERA vulgo dicuntur partes, quas Peritonæos tunica ambit generationi, vel nutritioni dicatas: hæ quoniam alimentum accipiunt incoctum, quantitate nimium, qualitate alienum, impurius sæpe sunt, & collectâ sensim impuritate multâ, crassâ, viscidâ, obstruuntur. Obstructio illa vel per se morbus est, vel morborum plurimorum causa, eò periculosior quò contumacior. Vtrobet nomine viscera occupaverit quam primum tollenda est. Hic suam variè medicus explicat industriam, & dum omnia venæ sectione atque purgatione temperat, quid singula aduersus viscerum obstructions valeant diligenter expendit: fluuiialis aquæ haustus matutini ventrem eluunt & refrigerant, vix vllos infarctus soluunt: inter metallicas aquas plurimæ quæ sponte nascuntur altius in viscerum recessus penetrant & salubrius, sed procul conquirendæ, conquisitæ nonnunquam instabilis sunt bonitatis: quæ arte fiunt vt plurimum ventriculi vim & robur infringunt & debilitant: quid Diuretica? Obstructa viscera magis impediunt: Vretica? Leniunt quidem parum certè liberant, inter distincta ægrorum medentiumque studia vnum lactis serum occurrit tam parata quam salutaris visceribus Medicina.

**N**VLLVM viscus impunè obstruitur, nam qui interceptis meatibus hæsit humor confestim cæcis incalescit ignibus, hinc illa medicorum nutricula præferuida viscerum intemperies sæpe atri succi soboles viscera obstruunt, hinc febrium genus omne, quod vix vllum superesset præter ephemeræ nisi viscera obstruerentur. Cuicunq; autem illa sit viscerum obstructio à quâ morbus initium ceperit, ab eadem ille in vltimam ægri perniciem protrahendus est nisi remedium præsto fuerit quod putredinose calore imminuto discussoque infarctû obstructa liberet, humorem vero in iis, in quas sese impexit angustias æstuantem tam compescat tamque mitificet, vt laxatis viis malum vnâ & remedium, vel aluo, vel cum vrinis foras piceant.

**S**ERVM lactis hoc habet, vt leuius & iucundius ventriculo accidat, imbecillum etiam adiuuet & cum minimam in eo moram duxerit, blandâ quadam humiditate haustura viscera perfundat. omnem enim quam commixtum sanguini aut in venis aut ab vtero contraxit acrimoniam castigauit glandularum vis lactifica, soli fœminæ insita: si quid amarum ei falsiusculum-ve asperferit bilis vtriusque commercium, decoxit mammarum calor. E mammis autem elapso atque coacto ex lacte serum ita profilit vt iis solum partibus, quæ ignei caloris, vel terræ grauitatis sunt participes nihil retineat quod in nostro corpore ignescere possit vel terrefcere. Atqui cum à lacte quidquid vel ignem vel terram sapit, natura vel ars secreuerit, quod reliquum vtrique seponit referuatque aqueæ redditur naturæ, idque eximia tenuitate pollens eò felicius obstructionum contumaciam edomat quò citius per arduos viscerum recessus id reditque serum lactis, nam quantò lac sanguini tantò illius serum huius sero frigiditate & tenuitate præstat, non inutilius extergendi facultate conjunctâ.

**I**N viscerum obstructionibus diù multorum imbecillitatem occupauit parandi ad pugandum humoris sollicitudo, dum præmittendis vel immiscendis quæ humorum crassitiam inciderent aut ægram partem propriè & vnicè appeterent, purgantium vires promouere se & dirigere, crediderunt. Hos in vsus serum lactis mirificè confert excipiendis & deportandis purgantium viribus multiplici decoctorum apparatu conducibilis. Sicut autem ad salutarem feri lactis vsum purgationem præiuisse conuenit, ita ab illo huius beatius iterandæ spes certa, puris enim ac nitentibus anadoseos organis serum lactis remotiora loca illapsum, vel obstructions inde dimouet vel præterlabenti si sese opponat qui viscera obstruit humor, ita cum eo versatur vt sua vi paulatim emollitum & deposita contumacia jam medico obtemperantem proximæ tradat ducendum purgationi.

**I**N curandis viscerum obstructionibus cum præcipua fuerit venæ secandæ atque purgationis utilitas succedit serum lactis, & vtrique viribus suppar medendi tempora diuidit & laudem: misso sanguine viscerum libertatem jam prosperè auspicatus fuit medicus, & dissipati sed nondum extincti obstructionum comites igniculi comprimendi sunt. Res tota sero lactis committenda, breui omnem viscerum feruorem sedauerit extincto qui humorem illorum in medullis desigebat & obfirmabat calore alieno: Purgatio aggestum partium in ductibus humorem remouit & exigit viis conueniendis, mox à sero lactis par fuerit gratia, quidquid enim viscera obstruxerit, non solum diluit dissoluitque, sed quâ sit illi succedendum monstrat inter vretica eximium idemque alui commouendæ potens, vno verbo cum venæ sectio atque purgatio salutaris medicinæ manus prædicentur, ambarum singulare ægris visceribus munus, & remedium ab omni parte beatum, serum lactis fuerit, quod benè semel inchoatam aduersus obstructions medicinam ad optatum finem perduxit.

*Ergo viscerum obstructionibus serum lactis.*

DOMINI DOCTORES DISPVATVRI.

M. Philippus Charrier. Med. Reg.

M. Franciscus Bouffonier.

M. Franciscus de la Chambre. Med. Reg. ord.

M. Alanus Lamy.

M. Claudius Quartier.

M. Franciscus Landrien.

M. Vrbanus Bodineau.

M. Philibertus Morisset.

M. Hermannus de Launay.

Proponebat Lutetiæ IACOBVS DE BOVRGES Parisinus, A. R. S. H. M. DC. LXIV.

